



**Uunga siunnersuut: Inuussutissat pillugit Inatsisartut inatsisaat nr. xx, xx. xxx 2019-imeersoq.**

(Aalisarnermut, Piniarnermut Nunalerinermullu Naalakkersuisoq)

Partii Naleraq sinnerlugu inatsisartut inatsisissatut siunnersuummut imatut oqaaseqarniarpoq.

Inuussutissanut akisussaaffiup oqartussaanera Partii Naleqqamiit suliniutitta ilarilluinnarpaat, nunatsinniit avammut tunisassiuineq Danmark akunnermiliuttorinagu eqaallisaarineq anguniarlugu. Una inatsit alloriarnerit ilarilluinnarpaat.

Pingaaruteqarporli taassallugu nunani allani tunisassioriaatsit, inooriaatsit allat, aqutsisuussanngimmata. Periarfissaqartariaqarpugut nunatta pisuussatai uumasut eqaatsumik tunisassiarinissaat aammalu niuerutiginnissaat. Ila, allaallumi akornatsinni ikioqatigiilluta nunatta uumasui ilinniarsimasunut suliaritinnissaat ajornakusoorsilersimavoq. Periarfissaqarniarta tuttu imaluunniit umimmak pisaarput neqilerillaqqinnernut (slagterinut) suliakkiissutiginnaanissaa. Puulukiunngillat, kukkukuujunngillat. Uumasunuku qangali inuussutiginnissaat sungiusimasavut.

Nunap inui eqaannerusumik inuussutissanik suliarinnissinnaanerit, tunisassiorsinnaanerit, qitiusariaqarpoq suliniutitsinni. Kisiannili aamma nunatta aningaasarsiutai, aalisakkat kinguppaallu nunanut allanut niuerutigilersinnaanerit qulakkeertariaqarpoq.

Tamannalu aamma malunnarpoq siunnerfiusoq siunnersuummi. Oqartussaanerulernerup kingunerisariaqarpaa nunap inuinit iluaqutissatut oqartussaanerulerneq.

Politikkikkut anguniakkat inatsisip siunertaani kisiartaasinnaanngillat. Aamma inatsisit kingunerisaani tigussaasutut ersarittariaqarput.

Taamatut naatsumik oqaasertalerlugu Partii Naleqqamiit inatsisissamat siunnersuut sukumiisumik, inuiaqatigiit ulaqutsernissaa qulakkeerlugu, ataatsimiititaliamut ingerlateqqipparput.

Qujanaq